

Die 26 Februarii

S. Porphirii, episcopi gazensis

(Mem. facult. sed *Gazæ*: mem. oblig.)

Ant. ad introitum

Ez 34, 11. 23-24

Visitábo oves meas, dicit Dóminus, et suscitábo pastórem
qui pascat eas: ego autem Dóminus ero eis in Deum.

Collecta

Deus, qui Ecclésiám tuam
sanctorum illúminas méritis et doctrínis,
fac nos, intercessióne beáti Porphyrii episcopi,
fidei lúmine instrúctos,
et devótam tibi gérere voluntátem,
et maiestáti tuæ sincéro corde servíre.
Per Dóminum.

LECTIO PRIOR

« Gaudeo in passionibus pro vobis »

Lectio Epístolæ beáti Páuli apóstoli ad Colossenses 1. 24-29

Fratres:

Nunc gáudeo in passiónibus pro vobis, et adimpleo ea
quæ desunt passiónum Christi in carne mea pro corpore eius,
quod est Ecclésia, cuius factus sum ego mínister secúndum
dispensatióem Dei quæ data est mihi in vos, ut ímpleam
verbum Dei, mystérium quod absconditum fuit a saeculis et
generatióibus — nunc autem manifestátum est sanctis eius,
quibus voluit Deus notas fácere divítias glóriæ mystérii huius
in géntibus, quod est Christus in vobis, spes glóriæ; quem
nos annuntiámus, commonétes ómnem hóminem et docétes
omnem hóminem in omni sapiéntia, ut exhibeámus omnem
hóminem perféctum in Christo; ad quod et labóro certándo
secúndum operatióem eius quæ operátur in me in virtúte.

Verbum Dómini.

PSALMUS RESPONSORIUS

22, 1-3a. 3b-4. 6 (R.4)

R̄. Si ambulávero in valle umbræ mortis, non timébo mala
quóniam tu mecum es.

- 1 Dóminus pascit me, et nihil me déerit:
in páscuis viréntibus me collocávit,
super aquas quiétis edúxit me,
ánimam meam refécit. R̄.
- 2 Nam et si ambulávero in valle umbræ mortis,
non timébo mala, quóniam tu mecum es.
Virga tua et báculus tuus
ipsa me consoláta sunt. R̄.
- 3 Etenim benígnitas et misericórdia subsequéntur me
ómnibus diébus vitæ meæ,
et inhabitábo in domo Dómini
in longitudínem diérum. R̄.

ALLELUIA

Io 10, 14

(R̄. Allelúia) V̄. Ego sum pastor bonus, dicit Dóminus; et
cognósco oves meas et cognóscunt me
meæ. (R̄. Allelúia.)

EVANGELIUM

« *Messis multa est, operarii autem pauci.* »

✠ Lécio sancti Evangélii secúndum Matthaéum 9, 35-38

In illo témpore :

Circumíbat Iesus civitátes omnes et castélla, docens in synagógis eórum et praedicans Evangélium Regni et curans omnem languórem et omnem infirmitátem. Videns autem turbas, misértus est eis quia erant vexáti et iacéntes sicut oves non habéntes pastórem.

Tunc dicit discíplis suis : « Messis quidem multa, operárii autem páuci : rogáte ergo Dóminum messis ut mittat operários in messem suam »

Verbum Dómini.

Super oblata

Sit tibi, quaésumus, Dómine Deus,
nostræ devotiónis oblátio acceptábilis,
ut beáto Porphyrio intercedénte,
et tuæ pláceat maiestáti et nostræ proficiat salúti.
Per Christum.

Ant. ad communionem

Mt 11, 28

Veníte ad me omnes qui laborátis et oneráti estis, et ego reficiam vos, dicit Dóminus.

Post communionem

Refécti sacris mystériis, Dómine, humíliter deprecámur,
ut, beáti Porphyrii exémplo,
studeámus confitéri quod credidit
et ópere exercére quod dócuit.
Per Christum.